

慈利縣志卷第二十

序第十四

慈利立縣肇始秦漢越在苗蠻羈縻臨治又分合割併不常其官地人事時一見名歷史而已職官書於晉人物科舉書於明其他亦略書於明顧縣志無專書清初葉瓊創爲之是爲康熙葉志同時復有董儒脩九谿志其後有嘉慶皇甫志有同治魏志撰者曰拔貢皇甫如森曰舉人魏湘凡此皆言縣故之初祖其書今具在沿俗傳鈔不能用史眼爲裁正世所譏爲應有盡無應無盡有者大抵伏專制君主肘下諛頌忌諱事實既多抵牾雷同牽附立言尤不雅馴當日郡縣志乘黃茅白葦千篇一律自武功朝邑靈壽及最近之湘潭衡陽落落數書外要實非無可非刺無可刺等之鄙下不同中國我葉皇甫魏諸載筆君子誠又不任受咎焉往者吳恭亨撰丁酉志屬稿之初刺取諸書魚鱗雜襲堆塞案几一鄉先生過而瞥見曰子續纂縣志殺青必三十卷抑四十卷無疑蓋誤以爲後必踵前如續尾然恭亨以其見一孔難可正言姑應曰唯唯否否其後書成縣武舉聯合撫其

慈利縣志

序

中論武科微詞擒恭亨詣知縣事旋上聞巡撫俞連三不學無術妄人也則嚴檄焚書燬版於是乃用版片沒官告一終結此慈利各前志之經過辛亥革命庶政銳變羣謂失今不述後何以觀於是有纂中華民國第一次縣志之議六年鳳凰田興奎來攝縣篆鈎稽能負責者既諗恭亨老於文明習縣掌故且前志又實斐然遂致聘焉乃約不更開館用節繁費期以二年即家成書明年湖南軍興興奎前委印去其年恭亨用他事得罪駐防軍人跳避居澧自是兵盜連亂無暇及他事十年省憲垂成縣議會再召集決議縣志案俾恭亨繼續總纂黎成鎔蕭士甲副之既開館以田金楠爲長馳書召恭亨時恭亨就養長沙報書欣諾脫稿以一年爲請且臚新志體要曰詳地略天詳人略物詳俗略政詳獨略同詳表略文體要之要五者而外曰詳今略古既成言更按都派員採訪一都曰朱潤楚二都曰朱先貴曰楊齊賢三都曰魏虞曰黃正壬四都曰陳夢周五都曰于鴻祐曰張權六都曰孟憲慈曰馮經緯七都曰符膺祥曰李德潤八都曰張祖銘曰王育文曰彭中梁上九都曰于悌讓下九都曰田間澍填補二十四都曰滿若虛十四都曰胡秀清十五

都曰向光國十七都亦曰胡秀清前十九都曰李子健後十九都曰陳大綱二十都曰吳愈材曰袁景漢二十一都曰庾容海曰陳宗瀛二十二都曰譚紹篆曰吳裕如填補二十二都曰杜慎端二十三都曰鄭觀民曰黎民藩二十四都曰蔣志恒二十五都曰莫民羣曰莫祖介期以三個月歲事即中華民國十一年五月也六月恭亨歸自長沙採訪冊繳者寥寥於是更督責譙呵之甚者官簽印符勒繳八月著手編纂仍不能以時具金楠雖病之無如何也則督恭亨具稿稿出金楠正其文字屬皇甫燊甯士林田昀司其繕寫李德潤襄其校勘同時屬于鎮湘摹全書二十七圖其中城圖更屬朱允榮逐段實測之十二年書成付印於長沙又屬恭亨子瑒保即從政之隙覆校印本瑒保亦忠於職日必馳書商推義例推敲歧漏焉成書之費館支銀一千五百圓計一年零六個月採訪津貼銀一千圓總纂束脩銀二千圓合田興奎訂聘後所支計算繪圖津貼銀一百圓印刷銀三千圓計印書二百部總計七千六百圓由地方費騰挪給付不別賦民一錢先後綜其成贊其議者曰前知事田興奎曰前知事彭海源曰知事伍守謙曰前縣議會議長于珍聘曰副議長朱葆真曰縣議

慈利縣志

序

二

會議長黎成鎔曰副議長朱葆真書為卷凡二十一內分四十二表二十七圖為葉總三百零四為字除圖不計總一十八萬五千一百零五出版之月日即中華民國十二年十月十日也上距興奎始致聘為時五年又九月再上距清光緒丁酉吳志為時二十七年又上距同治魏志為時五十五年又上距嘉慶皇甫志為時百零七年又上距康熙葉志為時二百三十八年此又慈利各志起訖沿革之本末也先是興奎動議縣兵盜麻沸公私如洗財無所自出眾難之謂書且不成及開館金楠年六十七恭亨亦六十六且又遠隔長沙疑非旦暮所能猝了書終必不成而今幸矣賴父老之靈寵竟以一年半短時間迅告成書雖曰羣策羣力因易於創然微理財者桴鼓相應亦惡乎有此惡乎有此今為犒勞焦頭爛額議會之功效第一矣序曰

目錄之學著書眉眼燦乎奧如繫辭首簡不舛不歧有末有本開卷瞭然曰脫桶底作目錄首臚地圖圖二十七各以類從累黍不溢其末附庸汨湖鉛鑛本富富民結二懸想作圖卷首

秦立慈姑縣名託始析零陽充漚中後起六朝齊梁又析臨漚爰逮楊隋定名慈利上下
千年沿革可紀疆域廣漠方里二千分桑分鶴分大庸焉土司改土雍正八年悉廢諸所
割土哀鄰今割餘者猶比雄國錯十九都昫昫原隰亦準天度經緯線測二至定中出入
晷刻都區燦如星布棋列壯哉縣乎敢告繁赤述沿革疆域天度作沿革表都區表帶縣
二川曰維漚漚源二流一厥沛雄厚載考經流漚名者九在縣凡四其二道黃合之漚漚
萬派彭彭支流大者零潦九渡灌溉是資腴畝錯互美利浩穰民食國賦凡流所徑是隨
高山中孕百貨利門駢蕃地不愛寶福我子孫述漚水漚水作地理第一
庶哉富矣尼父策衛越報強吳首講生聚式必負版富民封侯臺禮巴婦無礙譎謀德獎
生子歐洲虎狼魚鹽擅齊表海泱泱積小高大羣學以昌民爲邦本詎可忽忘作戶口及
戶口表富庶表第二
貧矣弱矣今日何日實業興邦救亡有術凡農作物與工作物地產天生臚列一一利其
固有進以本無戰勝世界吾幹其樞作實業第三

慈利縣志

序

三

損益可知因殷因夏憚於師人必陷苟且新國新政建設萬端置棋貼妥匪飾美觀有巍
其屋有皇其堂丹刻楹楹固亦未遑次謀交通電政郵務市集又次瑣及橋渡作建置第
四

量出爲入歐美用財無政不舉百度恢恢而我反是捉襟見肘用之泥沙數罟敝筭改革
十年魴頰其尾一加再加有加無己民勞小憩方覬來者督米供軍官符如火例外例外
豈必一端捕蛇者說讀崩心肝作財政第五

髮繫千鈞窮冬晦木亡地後存曰唯教育起視四境蒙馬虎皮幾絕望矣楊朱泣歧羣言
淆亂風雨如晦豈必神州遂終橫潰六朝雲擾爰產河汾門牆文武參差異軍舊學絕流
新學斷港棄短取長在神喝棒作教育第六

代表一羣維此議會不賢識小賢者識大正色建言疾苦利害付託毋忘長劍天外述議
會作議員表第七

國之大事在祀與戎媚竈好鬼不離楚風昔者隆禮告朔供羊今孔關岳委費地方拜跪

廢矣如不欲戰衣冠雜揉祭野駭見二氏之祠金碧照耀瑣詳祭產兼繫家廟慎爾餽餘
來者正告作祠祀及寺觀表家廟表第八

項背相望若若纍纍某賢某否眾口載辭民不可侮亦不可欺箕畢風雨寧歧怨咨九谿
事遠附名班班直以其人匪以其官近世良宰歐陽韓徐陶雷文采曰亮匹瑜我書質直
少貶多衰後來居上五雷比高作職官五表及職官志第九

十室忠信五步芳草維我先民豪哲豈黜科舉始宋狀元莫儔金營舞蹈稗官所羞沿元
及明躋進士科輒兌鑿叙寥寥奈何清又減色舉人偕計終三百年僅二十四姑存其眾
所知者作宋元明科舉清舉貢明清武舉三表尺木拔地期供時用亦有他塗附驥者眾
作宋至清他塗仕宦清仕宦今代仕宦上下及律師諸表武功開邊尙書補袞應祥及叙
風亦未遠壯武滄尾敗法蘭西正雅臨安赤手縛罷田李豎子流血革命辛亥反響南風
以競里巷正氣匹夫匹婦豈無高行隱於屠狗豈無弱植咋於陽九鄰則不孤聞則必書
鬼瞰在旁誰毀誰譽作人物第十

慈利縣志

序

四

廣谷大川異風氣也燕說郢書炫多識也斜陽高柳盲翁作場哆口揮扇鬼瑣而雜刺故
事正所謂輶軒之采與風土之記也騶衍談八十一州亦惡乎必目之爲另幟用我觚賸
篆彼伏臘村婆絮談米鹽零雜作風俗第十一

史家長編編年紀事緯緯經經爰無漏義縣故罔羅竊附前例潘相舉要嫌儉腹笥作事
紀第十二

澧孕騷雅縣據上游如何累礪文選無樓放失舊聞并采兼收但一藝在亦屢九流生存
不錄赫赫溝限破例書名非必杜撰作者實難吾悻破產作藝文第十三

慈利縣志始清葉瓊皇甫續作亦期集成坐病封蒞守一先生擇焉不詳語焉不精無以
自解習故蹈常同治三續舉人魏湘猶吾崔子尺短寸長吳則私書殺青丁酉曰不廣大
用憎多口燬版非辜妄寸莛扣擘不殺身咎應自負幡然晚蓋用糜餐錢瞬五百日告蕺
墨緣談史遷成固書昭續今一人身後先著錄言雖無文抑若佳話下筆有神催租不敗
田執牛耳旁羅百家正其文字祛浮抑夸圖繪昭晰殿前聚米于續山川尺幅百里昕書

獄辭宵瘁校讐瑑保嗣父亦窺略流發縱指示議會功人鄼侯饋饌成此椎輪見聞傳聞
諡掌故海副在名山芻蕘可采作序第十四

慈利縣志

序

五

正誤表

卷十五 人物志上

葉	行	字	誤	正
二	五	二十二	銀	銀
二	六	十八	朝	廟
八	十二	四十三	眼	銀
八	十七	二十四	遣	且
十六	四	十七	四篇	其一
十六	六	十五	三	六
十六	六	六十七	四	八
十六	十五	二十九	饑	餓
十九	十八	二十六	璿	濬

二一 二四六

二三 七 八 入 婆 人 娑

葉	行	字	誤	正
六	二	二十五	族	旅
六	十七	三十一	頻	頓
十	二十三	三十二	兔	兔
十一	八	四十六	色	邑
十三	十一	三	灸	炙
二二	五	三	壘	壘
二二	五	五	蕭	鉢
二二	七	十三	鞠	鞠

慈利縣志

正誤表

卷十八 事紀

二三	十六	十一	撐	撐
二三	二十四	六十六	送	遂
二三	十二	三十二	聞	閩
二五	二	四十三	衛	衛
二五	五	十三	登	登
二五	十四	五六七	無之亦之亦無	

卷十七 風俗

葉	行	字	誤	正
三	十六	三十一	番	番
四	九	二十五	凡	丸
五	二十一	十	斧	釜
五	二十三	二十一	蹟	蹟

卷十九 藝文

七	十一	七	堯	堯
葉	行	字	誤	正
十	二十一	三十四	推	推
十一	十四	四十六	校	校
十五	十八	四	推	推
葉	行	字	誤	正
二	六	三	籀	籀
二	十九	八	冀	翼
三	十四	四十五	二集	衍文
五	二十二	七	楠	樹